

AWIG-AWIG DESA ADAT PAUSAN



**DESA BUAHAN KAJA
KECAMATAN PAYANGAN
KABUPATEN GIANYAR**

P I D A G I N G

MAKA BANTANG AWIG-AWIG DESA ADAT PAUSAN

MURDHA - CITTA

	WIDANG
PRATHAMA SARGAH ARAN LAN WAWIDANGAN DESA	1
DWITYA SARGAH PATITIS LAN PAMIKUKUH	2
TRITYA SARGAH SUKERTA - TATA PAKRAMAN	2
Palet 1 Indik Krama	2
Palet 2 Indik Prajuru /Dulun Desa	6
Palet 3 Indik Kulkul	8
Palet 4 Indik Paruman	9
Palet 5 Indik Druwen Desa	10
Palet 6 Sukertan Pamitegep	12
Kaping 1 Karang, Tegal lan Carik	12
Kaping 2 Pepayonan	12
Kaping 3 Wewangunan	13
Kaping 4 Wewalungan	14
Kaping 5 Bhaya	14
Kaping 6 Panyanggran Banjar	15
CATHURTAS SARGAH SUKERTA TATA AGAMA	
Palet 1 Indik Dewa Yadnya	16
Palet 2 Indik Resi Yadnya	19
Palet 3 Indik Pitra Yadnya	20
Palet 4 Indik Manusa Yadnya	23
Palet 5 Indik Bhuta Yadnya	24
PANCAMA SARGAH SUKERTA TATA PAWONGAN	
Palet 1 Indik Pawiwahan	25
Palet 2 Indik Nyapihan	27
Palet 3 Indik Sentana	29
Palet 4 Indik Warisan	30
SAD SARGAH WICARA LAN PAMIDANDA	
Palet 1 Indik Wicara	33
Palet 2 Indik Pamidanda	33
SAPTAMA SARGAH NGUWAH - NGUWUHIN AWIG - AWIG	34
ASTAMA SARGAH SAMAPTA	35

MURDHA CITTA

AUM OM

Om Swastyastu, Om Awighnamastu Nama Sidham.

Malarapan panghyangning Ida Sang Hyang Widhi Wasa Asung Kertha Nugraha ngawentenang kahuripan sakala niskala. Ring Bhuana Agung lan Bhuawana Alit. Manut dresta desane wantah pawakan pasayuban Krama Desa rawuhing kulawarga pawonganya. Desane kemanggehang Bhuana Agung, pawonganya sowang-sowang pinaka Bhuana Alit.

Sotanin Bhuwana Agung desane wantah pawakan Bhawa maurip jangkep saha Tri Hita Karananya luwire :

- ha. Parhyangan, sahananing kahyangan panyiwian subak genah ngarcana Sang Hyang Parama Wisesa, maka jiwane desane.
- na. Pawongan, krama saha warga desa maka sami mapawakan Bayu Pramana Tri Kaya mawanan desane sida melah maprawerti.
- ca. Palemahan, Tanah kakuwuban desa sinanggeh stula sariraning desane.

Adung patemon bhuwana kalih larapan santa jagathita sinanggeh murdaning prayejana pangriptaring Awig-Awig Desa Pekraman ring sabha Krama Desa Adat Pausan.

Pamutus sabha inucap pinaka sepat siku-siku pamatur, wastu prasida payojanan mami kabeh prasama anghidep muwah amagehaken kadi linging Awig-Awig iki.

PRATAMA SARGAH

ARAN LAN WEWIDANGAN DESA

Pawos 1

- (1) Desa Adat puniwi mawasta Desa Adat Pausan.
- (2) Jebar kakuwub wawidangannya mawates nyatur.
 - ha. Sisi wetan ring Desa Adat Seming
 - na. Sisi kidul ring Desa Adat Singaperang
 - ca. Sisi kulon ring Desa Adat Sidan (Petang)
 - ra. Sisi lor ring Desa Adat Langgahan (Kintamani)
- (3) Desa puniki kawangun antuk karang ayahan Desa utawi karang guna kaya tur kasungkemin antuk tunggil Banjar Pausan (Desa Balai Agung, Desa Pusah, lan Desa Dalem)

DWITYA SARGAH PATITIS LAN PAMIKUKUH

Pawos 2

- (1) Desa Adat Pausan ngemanggehang pamikukuh minakadi :
- ha. Pancasila
 - na. Undang -Undang Dasar 1945 pamekas pasal 18
 - ca. Perda Tk. I Bali Nomor 06 Tahun 1986
 - ra. Tri Hita Karana manut sada cara Agama Hindu.

Pawos 3

- (1) Luwir Patitis Desa Adat Pausan :
- ha. Ngukuhang miwah ngarajegang Sang Hyang Agama
 - na. Nginggihang tata prawertine maagama
 - ca. Ngarajegang kasukertan Desa saha pawongannya sekala lan niskala.

TRITYA SARGAH SUKERTA TATA PAKRAMAN

Palet 1

INDIK KRAMA

Pawos 4

- (1) Sane kabawos krama Desa inggih punika kulawarga sane maagama Hindu jumenek wiadin tan jumenek madruwe paumahan, karang lan tegal, carik ring wawidangan Desa Adat saha satinut ring Awig-Awig lan daging paruman Desa sapamargin krama Desa Adat Pausan.
- (2) Sahananing sang madruwe tanah yadiastun wit numbas sane maagama Hindu tur jumenek wiadin tan jumenek mapaumahan inggihan tan mapaumahan ring wawidangan Desa Adat Pausan yadiastun kantun kaiket antuk Desa Adat wiwitan ipun patut tedun makrama Desa kariyinin antuk pasadok ring Prajuru / Dulu Desa Adat Pausan.

- (3) Yening tedun mekrama wit numbas tanah keni tigesana agung alit manut pararem. ✓
- (4) Sahananing sang madruwe tanah wit ngontrak keni punla nyabran 12 (roras) sasih agung alit manut pararem. ✓
- (5) Sahananing sang madruwe tanah yadiastun wit numbas sane tan maagama Hindu tur jumenek mapaumahan wiadin tan mapaumahan ring wawidangan Desa Adat Pausan keni punla nyabran 12 (roras) sasih agung alit manut pararem. ✓
- (6) Satiyosan sane inucap ring ajeng kabawos tamiu. →

Pawos 5

Krama Desa Adat Pausan madudo-dudonan kadi ring sor puniki :

- ha. Kerama pengarep kerama sane ngamong karang / tanah ayahan Desa utawi pecatu.
- na. Kerama komplangan kerama sane sampun marabian tan ngamong tanah/karang ayahan Desa utawi pecatu.
- ca. Ayah pengele kerama teruna teruni saking keluarga pangarep wiadin komplangan.
- ra. Ayah balu mawit saking silih sinunggil seda utawi nyapihan wit saking palas marabian →
- ka. Penyade, kerama sane sampun nyerodang ayah ring sentanan ipun manut suta sentana ring pararem.
- da. Kerama tapukan lanang utawi istri inggih punika kerama sane katinggan seda/padem olih yayah memennya polih luput ayah wantah 12 (roras) sasih. →

Pawos 6

Ngawit dados krama desa :

- ha. Ngawit jumenek ring Desa saking leluhurnya.
- na. Ngawit rawuh saking sawosan Desa jumenek ring Desa Adat Pausan saking rahayu, malarapan ilikita pastika saking wit Desanya.
- ca. Ngawit antuk pawiwahan, pretisentana peperaśan miwah sane sewosan manut pararem.

Pawos 7

Panemayan tedun makrama Desa :

- ha. Krama ngarep / pangarep ritakala sangkepan tilem ring Pura Dalem.
- na. Krama banjar nyabran sasih Saniscara Kliwon. ✓
- ca. Mawiwit sangkaning pawiwahan nyabran tilem, sasih Kasanga (9)

Pawos 8

Sane pacang tedun makrama kapatutan :

- ha. Patut atur upeksa ring Prajuru Desa
- na. Keni dudon - dudonan manut pararem.

Pawos 9

Sahaning kerama Desa sami keni tategenan / ayah-ayah luwire :

- ha. Kerama ngarep / ayah jangkep keni ayah-ayahan miwah papeson mamungkul
- na. Kerama komplengan keni ayah-ayahan miwah wedalan mungkul ring Pura Dalem miwah ring Pura Catur Bhuana setios punika manut pararem.
- ca. Kerama desa Puseh keni ayah-ayahan miwah wedalan mamungkul ring Pura Puseh, ring Pura Dalem, miwah ring Catur Bhuana, setiyos punika manut ring pararem.
- ra. Kerama tapukan keni peson-peson mamungkul, sakewanten luput sahananing ayah-ayahan manut pararem.
- ka. Prade wenten pakaryan sane abot ring desa patut karombo olih warga Desa sami manut wigunannya.
- da. Prade wenten kerama tan satinut sekadi kebawos ring ajeng keni pamidanda manut daging pararem.
- ta. Prade rikalaning ngayah wenten sinalih tunggil matilar tan pasadok ring para juru sadurung puput karya wenang kerama inucap keni pamidanda manut pararem, tanjek taler kawastanin.

Pawos 10

Swadharmaning kerama sewosan ring tategenan luire :

- ha. Tinut saturut ring sadaging awig-awig, pararem miwah paswaran Desa
- na. Tan maren ngutsahayang mangda Desane mresidayang nyujur manut patitis
- ca. Tinut saturut ring guru wisesa.

Pawos 11

Swadharmaning Tamiyu :

- ha. Tinut saturut ring yasa kertin Desane
- na. Tan piwal ring sadaging awig-awig, pararem lan paswaran Desa

- ca. Nyadokang raga ring prajuru arahina sesampun jumenek saking Desane utawi sang ngawewenang malarapan antuk ilikita pastika.
- ra. Yan tan tinut, pacang kairid / tan kalugra jenek ring Desa Adat.

Pawos 12

Swadharmaning krama nampi tamiyu :

- ha. Kerama Desa yening pacang nampi tamiyu patut matur supeksa ring prajuru sajeroning 1 (arahina) sesampune polih panguak sakeng prajuru Desa wawu dados katampi yan langkung ring 1 (arahina) kerama Desa nampi tamiyu tan ngawewenang pasadok ring prajuru krama sane nampi tamiyu keni pamidanda manut pararem.
- na. Yen wenten tamiyu tan nganutin pratingkahing kerta lan ketreptian Desa Adat Pausan yan tan prasida patut katur ring sang ngawewenang Desa Adat.

Pawos 13

Piilih - olihan krama :

- ha. Piilih pesayuban skala niskala saha katiwakin pamutus sahananing wicaranya.
- na. Nyarengin paruman tur wenang mastikayang pamutus.
- ca. Kadadosang madeg prajuru manut pararem.

Pawos 14

Krama Desa Adat kedadosan :

ha. Mapoangkid utawi tan tedun :

- 1) Rikala matepetin kulawarganya sakit, mayadnya, kacuntakan lan kaluasan, mapuangun/ngeraabin.
- 2) Kengin tempo wantah apisan sejawaning wenten wak-uakan saking Prajuru Desa.

na. Nyada, mapiteges ngemademang ayah risampun suta sentanannyane merabian tur tan dados nyuksukin.

Sang nyada mangde digelis (sajeroning tigang sasih) mangde nyantenang panyeledihi.

- ca. Nyada utawi nyuksukin sane kawenangang risampun manggeh deha truna (sekeha teruna) utawi mresidayang nganutin krama tiosan, yening prajuru tan kalugra masusukan.
- ra. Sateosan ring krama ngarep miwah krama Desa Puseh kadadosang ngoot manut pararem.

Pawos 15

Wusan dados krama Desa Adat luwire :

ha. Sangkaning

- 1) Pinunas ngeraga, menawi kesah ke dura Desa utawi ngelangkungin segara.
- 2) Kenorayang, duaning sampun tan prasida ngehehin solah prawerti setata nguwug Awig-Awig.
- 3) Wusan mekrama Desa mapiteges wusan makrame Desa mangda sampunang kasinanggeh empak ngelanting.

na. Sang wusan mekrama :

- 1) Patut ngaturang padruwen Desa sane kagambel.
- 2) Tan polih pah-pahan sangkaning padruwen Desa.
- 3) Tan polih masayuban sajeroning ala ayu.
- 4) Sang wusan mekrama Desa / Banjar prade mawali malih patut nawur saurah-arih tategenan krama manut pararem.

ca. Sang wusan sangkaning kanurayang prade mawali malih patut :

- 1) Muntasang saluwir pamidanda utawi tategenan sane ngeranayang kanurayang.
- 2) Nunas geng pangampura ring paruman Desa maduluran panyangaskara panyapsap kaiwangan duaning nguak pasubaya pecak.

Palet 2

PRAJURU LAN DULUN DESA (PENGLINGSIR)

Pawos 16

- (1) Desa Adat Pausan kaenter olih Bendesa Adat tur karombo prajuru pinaka pangenter Desa lan krama.
- (2) Banjar Adat keanterang olih Kelihan Banjar Adat tur karombo antuk Prajuru.
- (3) Geguat pacang dados prajuru patut majalarang kadi ring sor puniki :
 - ha. Bendesa Adat keadegang mawiwit saking ayah ngarep / wed.
 - na. Kelihan Banjar Adat keadegang mawiwit ayah ngarep utawi komplengan.
 - ca. Bendesa Adat keadegang antuk kecatri olih paruman nyabran 5 (limang) warsa, sawawaning wenten parindikan tios tur kecatri malih maduluran Dewa saksi ring Pura Bale Agung.
 - ra. Kelihan Banjar Adat Keadegang antuk kecatri olih paruman.

Pawos 17

- (1) Bendesa Adat kasangga olih :
 - ha. Petajuh utawi pangliman pinaka wakilnya
 - na. Penyarikan pinaka juru surat.
 - ca. Petengen miwah pamalungan pinaka pangemong druwen Desa.
 - ra. Kasinoman pinaka juru arah.
- (2) Kasinoman akehnia manut kawigunan saha magilir nyabran asasih.
- (3) Sajeroning ngenterang kasukertan niskala, Bendesa adat misinggihang :
 - ha. Jero Bayan Kiwa Tengen
 - na. Jero Bau Kiwa Tengen
 - ca. Singgukan pinaka pangenter Yadnya.
 - ra. Pemangku.
- (4) Ngadegang Jero Bayan, Jero Bau, Jero Singgukan, Petengen miwah Pamalungan malarapan antuk ilikita Uluapad.

Pawos 18

- (1) Sane patut kadadosan Prajuru/Dulun Desa sekadi ring sor :
 - ha. Uning manyurat lan ngewacen aksara latin utawi Bali.
 - na. Rahajeng tur mapolah rahayu.
 - ca. Kautamayang sane tan cedangga manut pararem.
 - ra. Lan sane sewosan.
- (2) Yening wenten sinalih tunggil krama sane kecatri dados Prajuru/ Dulun Desa niwalin utawi tan nganutin patut keni pamidanda manut pararem.

Pawos 19

- (1) Swadharmaning Bendesa Adat luwire :
 - ha. Ngenterang pemargin sedaging Awig-Awig miwah paruman Desa.
 - na. Nuntun tur ngenterang krama rawuhing warda Desa sami ngupadi kasukertan Desa manut patitis.
 - ca. Mawosan kalih niwakan pamutus arep ring wicara warga Desa.
 - ra. Maka Duta Desa matemuang bawos ring sapa sira ugi.
- (2) Swadharmaning Jero Bayan, ngelaksanayang utawi mutusang bakti keluhur sakewanten karombo Jero Mangku.
- (3) Swadharmaning Jero Bau pinaka saksi lan pemutus Yadnya

- ca. Kukul buung tetengerannya / suaranya ping empat alon/ ngempang.
- ra. Mendak utawi nyineb Ida Bhatra - Bathari suaranya nungtit / Nyangsih biasa.
- ka. Atulud bulus maka cihna wenten bhaya.

(3) Tabuh tatepakan kukul Banjar :

- ha. Duang (2) tuludan lambat, tengeran tedun ngayah utawi sangkepan Banjar.
- na. Atulud bulus tengeran wenten bhaya (kagni Baya, Kapandangan (Arta, baya jiwa bhaya).
- ca. Kukul buwung suaranya ping pat alon.
- ra. Ping tiga alon tengeran anak alit kalayu sekaran
- ka. Ping pitu (7) alon tengeran kalayu sekaran.
- da. Ping kutus (8) alon maka cihna waspada ring kawentenang jagat.
- ta. Ping siya (9) alon tengeran kalayuan sekar ring warga sane polih pamadegang Prajuru ring Desa Adat.
- sa. Ping roras (12) alon tengeran wenten pawiwahan.
- wa. Petang tulud lambat, tengeran petedunan merebu.

Pawos 23

- (1) Kukul Desa utawi Banjar tan wenang katepak yening tan sangkaning pituduh Prajuru / Dulun Desa sejawaning wenten Bhaya miwah tengeran mepewarangan riwus nepak mangda mesadok ring Prajuru / Dulu Desa.
- (2) Sang nepak tan sangkaning pituduh Prajuru / Dulu Desa sejawaning bhaya lan ngrupuk keni pamidanda manut pararem.

Palet 4
INDIK PARUMAN

Pawos 24

- (1) Paruman / sangkepan ring Desa Adat Pausan wenten :
 - ha. Paruman Desa / Banjar Kawentenang :
 - (1) Nyabran Ngasasih maka cihna maduluran antuk arah - arah.
 - (2) Napkala (padgata kala) maka jalaran arah-arah manut tatujon.
 - na. Sangkepan Prajuru / Dulu Desa kawentenang manut wiguna.
 - ca. Paruman sekaa - sekaa manut pabuatnya.
- (2) Pauman Desa Utawi Banjar madudonan sekadi ring sor :

- na. Pura Pucak Ageng.
 - ca. Pura Pucak Alit.
 - ra. Pura Catur Bhuana.
 - ka. Pura Pujung.
 - da. Pura Tegal Suci.
 - ta. Pura Belong.
 - sa. Pura Praja Pati.
 - wa. Pura Batu Madeg (Batu Lumbang)
 - la. Pura Penyungsungan.
- (2) Bale Banjar asiki.
 - (3) Bale Kulkul lelima (5)
 - (4) Tanah carik lan tegalan, carik malinggah 50 are, tegal 7 hektar.
 - (5) Karang ayahan Desa munjuk lungsur sakeng 52 karang.
 - (6) Setra - setra minakadi setra bangsel, setra ageng lan setra alit.
 - (7) Lelanguan minakadi :
 - ha. Tetabuhan / Gong, Angklung.
 - na. Ilen-ilen wali Pura ; Rejang, Baris, Pendet, Memongah, Mabuang.
 - (8) Muwah padruwen tiosan.
 - (9) Sehananing druwen Desa Adat patut kapiara utawi kaupahayu olih krama Desa kamanggala olih Prajuru Desa.
 - (10) Prajuru desa patut ngetayang druwen Desa manut wigunanya sekadi ring pararem.
 - (11) Sahananing druwen Desa Adat patut kaunggahang ring ilikita sane pastika olih Prajuru / Dulu Desa saha pariindikannya.

Pawos 28

Piilih - olihan Desa Adat Pausan luwire :

- ha. Piilih - olihan sakeng pelaba Pura.
- na. Urunan krama Desa Adat.
- ca. Paica sakeng Guru Wisesa.
- ra. Paica-paica sane tiosan, sane patut.
- ka. Utsaha Desa Adat.

Pawos 29

- (1) Prajuru/Dulu Desa wenang ngetangang pamupon pelaba Pura lan sapanungalan Druwen Desa manut perarem.
- (2) Pikolih lan pamuponnya kaanggen prebya piòdalan miwah wewangunan ring Pura
- (3) Saha luwiring druwen Desa patut wenten ilikitanya.
- (4) Tan kalugra ngadol utawi ngesahang padruwen Desa yan tan kasungkemin olih krama Desa ring paruman.
- (5) Nyabran pasangkepan desa Prajuru / Dulu Desa sane ngamong druwen desa patut nyihnayang pariindikan munjuk lungsuring padruwen desa marep ring krama desa sami.

Palet 6

SUKERTAN PAMITEGEP

Kaping 1 KARANG TEGAL LAN CARIK

Pawos 30

- (1) Krama Desa pangemong karang Desa (tanah sane tan keni tigasana) patut ngewetesi karang inucap antuk tembok utawi pagehan / turus mangda pekantenannya asri.
- (2) Wates sisi kaler miwah kangin patut kakaryanin olih krama sane ngameng karang ayahan inucap, sane mawasta gagaleng keluan, sejawaning tanah pecatu, tegal, carik utawi tanah padruwen ngeraga, sane kapiara sisi sane endep/lebah.
- (3) Prade karasayang pagehan / turus inucap ngelikadin yan pada arsa panyandingnya kengin watese ngangge pinget kewenten kesaksinin olih Prajuru / dulu Desa utawi pecihna pal sakeng sang ngewewenang.
- (4) Prade wenten karang kabebeng mangde kautsahayang wenten pamarginnya manut paigum lan pararem.

Pawos 31

- (1) Sinalih tunggil krama Desa / Banjar tan kalugra :
ha. Ngalah-alah margi, tegal ayahan Desa, karang Desa lan sapanunggilnya
na. Ngalah-alah tanah, linggih kahyangan, setra lan sekancan linggih sinanggeh suci.
- (2) Prade wenten sekadi ring ajeng sang ngalah-alah patut ngawaliang tanah inucap saha keni pamidanda sepatutnya miwah kadulurin upakara panyangaskara ring pengalah-alah tanah suci punika mawit saking awig-awig puniki keingkupin antuk paruman desa.

Kaping 2

PEPAYONAN

Pawos 32

- (2) Prade wewangunan jantos ngayubin bilih-bilih tembok ring telengin wates, risampun kewara tur kasadokang ring Prajuru/Dulu wenang kadanda manut pararem saha tembok utawi sanistana mangda kakaryanang abangan.

Kaping 4 WAWALUNGAN

Pawos 34

- (1) Sahanan warga Desa miara sane luwir wawalungan patut siaga negul wiadin ngeologor wawalungannya mangda tan wenten ngerusak tetanduran miwah wewangunan utawi kelestarian anak sewosan bilih-bilih jantos ngranjing ring genahe suci.
- (2) Prade wenten wewalungan malumbar utawi ngeleb ngusak pekarangan / pabeanan krama sios, risampun kewara dados ketaban tur kedanda ngewiliang wit sane karusak saha naur panebas papiaran tetabanan, manut pararem.
- (3) Prade jantos ngaletihin linggih suci minakadi pemrajan, risampun kaparitas olih Prajuru / Dulu wenang sang nrewenang kadande mabhuana Agung (Caru Ekasata maduluran tebasan prayascita durmanggala) prade ngaletihin kahyangan Desa utawi Pura Pemaksan, wenang nyaroning antuk Panca sata makerep itik belang kalung.
- (4) Krama Desa patut nyanggra wewalungan miwah sarwa prani, tan kapatutang mademang paksi, nuba ulam miwah sane siosan (tempat suci).
Prade wenten melaksana sekadi punika keni pamidanda manut pararem tur kaaturang ring sang ngawewenang.

Kaping 5 B H A Y A

Pawos 35

- (1) Pari indik bhaya, luwire : jiwa bhaya, arta bhaya (kepandung), dura cara ring Agama.
- (2) Sang manggihin kahanan jiwa bhaya, patut nepak kulkul bulus mapitulung manut pawos 22 (3) aksara na.
- (3) Prade rinf Desa kahanan jiwa bhaya, sang mayanin patut ngaturang Bhuta Yadnya, tur kaaturang ring sang ngawewenang.
- (4) Prade wenten jatma mamisuh utawi nguman-nguman jatma tiyos, kakenanini pamidanda beya pacamil maduluran tebasan prayascita.
- (5) Yaning wenten jatma majengilan ring bale banjar, ring Pura, utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantos ngamedalang rah.

Pawos 36

- (1) Sang manggihin kahanan artha bhaya (kamalingan), patut ngukui mapitulung manut ring pawos 33 (3) aksara na utawi sang kamalingan atur supekta ring Prajuru / Duiu Desa sane pacang nimbangin utawi nandanin manut pararem, saha maweweh panyangaskara prade wenten jatma ngamaling barang sinanggeh suci.
- (2) Pratingkahe mapailon ring dusta kabawos saruron, prade wenten jatma manggihin maling tan nyadokang ring Prajuru / Dulu jantos jatma tios nyaduang, patut kadanda kadi dandaning maling, sakweh pangargan wit manut cacakan Banjar, tur Prade jantos ping tiga malaksana asapunika wenang kasukserah ring sang ngawawenang.
- (3) Prade wenten jatma ngarereh, minakadi daun kelapa, ron miwah sane sewosan tanpa sadok ring sang nruwenang wit, prade kacunduk (ketara) patut kadanda kadi dandaning maling.
- (4) Yening wenten jatma ngeranjing kepakubon wiadin pekarangan jatma tiyos rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut sekadi ring ajeng, asing-asing ngaranjing kapakubon jatma tiyos patut :
 - ha. Matengeran suwara (makaukan)
 - na. Nyantos sang nruwenang karang rawuh utawi masadok ring pangapit pinih tampek, maka buatan pangaranjing.
 - ca. Pamedal karangnya kadagingin sawen, maka cihna pangarah rikala suwung.

Kaping 6 PANYANGGRAN BANJAR

Pawos 37

Krama Desa rikala ngawentenang karya suka-duka, patut kasangra olih Banjar luwire :

- ha. Prade ngawangun Pitra Yadnya utawi Manusa Yadnya, manut pinunas sang mayadnya.
- na. Pangrombo utawi karya gotong royong krama jantos langkungan ring apisan patut katuran pangu.

- ca. Pangu rikala Pitra Yadnya abot dangan Yadnya, prade saking semengan ngantos wengi katurang pangu ping kalih.
- ra. Pangarombo tiyosan manut pararem,

CATHURTAS SARGAH SUKERTA TATA AGAMA

Palet 1 INDIK DEWA YADNYA

Pawos 38

- (1) Kahyangan panyiwian ring sawidangan Desa Adat Pausan luire :
 - ha. Kahyangan Tiga (Pura Desa/Bale Agung, Puseh miwah Pura Dalem lan Prajapati)
 - na. Pura Pucak Agung
 - ca. Pura Pucak Alit
 - ra. Pura Pujung
 - ka. Pura Belong
 - da. Pura Catur Bhuana
 - ta. Pura Panyungsungan
 - sa. Pura Batu Lempeh.

- (2) Rahina piodalan ring soang-soang Kahyangan inucap, kadi ring sor :
 - ha. Pura Puseh, rikala Purnama Kedasa (kalih warsa apisan)
 - na. Pura Pucak Agung, rikala Purnama Kasa (kalih warsa apisan)
 - ca. Pura Desa / Bale Agung, rikala Purnama Kapat (kalih warsa apisan)
 - ra. Pura Dalem miwah Prajapati, rikala Purnama Kaenem (kalih warsa apisan)
 - ka. Pura Catur Bhuana, rikala Purnama Kadasa (kalih warsa apisan)
 - da. Pura Blong, Pura Pujung, Pura Pucak alit, rikala Purnama Kadasa (kalih warsa apisan)
 - ta. Pura Batu Lempeh, rikala Purnama Kadasa (kalih warsa apisan)

- (3) Pengaci ring pura inucap manut sastra Agama, saha kalaksanayang nista, madia, lan utama manut kawentenan lan pararem.

- (4) Pangampon Soang-soang Pura manut dresta kadi ring sor :
 - ha. Pura Puseh kaempon olih Desa Puseh.
 - na. Pura Bale Agung kaempon olih Desa Ngarep.
 - ca. Pura Dalem kaempon olih Desa Dalem.
 - ra. Pura Catur Bhuana, Prajapati, Batu Lempeh kaempon olih Desa Delem.

- ka. Pura Pucak Ait, Pura Pujung, Pura Belong kaempon olih Desa Puseh.
- da. Pura Panyungsungan kaempon olih Desa Ngarep.

Pawos 39

- (1) ha. Ring sajeroning ngenterang piodalan ring Pura inucap kawentenang Kebayan Kebau miwah Singgukan, Patengen, Pemalungan manut tegak ring Desa Ngarep.
na. Ring sajeroning ngenterang Upacara / Upakara Pitra Yadnya mingsinggihang Pemangku Setra.
- (2) Kebayan, Kebau lan Singgukan, Patengen, Pemalungan keadegang malarapan leluapan (Manut tegak ring sajeroning Desa Adat)
- (3) ha. Pemangku Kahyangan Tiga keadegang antuk nyanjan utawi mesembuang mapiteges mapinunas ring ajeng penataran pura utawi ke balian sonteng.
na. Pemangku Setra Kecatri (kapilih) oleh Krama Desa.
- (4) Tan kawenangan dados Kebayan, Kebau, Pemalungan, Singgukan, Patengen lan Pemangku luire :
ha. Ceda angga, luwire : peceng, perot, cungh, lan sapanunggilannya.
na. Sang sapa sira sane tan kapatutan manut pararem.
ca. Sungkan ila, ayan, buduh utawi edan.
- (5) Prabia adiksa widhi / pawintenan Kebayan, Kebau, Singgukan, Patengen, Pemalungan kamedalin ngeraga.
- (6) Prabia adiksa widhi / Pawintenan Pemangku keamedalin olih desa Adat.
- (7) Mapitra Yadnya riwekas prade kaluwarga pemangku tan mrasideyang patut kasungkeman olih Krama Desa/pangemong sanistane Brahma Pryascita saha penyanggrane prade yadnya kelaksanayang olih mangku manut pararem.
- (8) Pemangku patut ngemanggehang sesananing Pemangku, Kebayan, Kebau, Singgukan, Patengen, Pemalungan sastra Agama luwire :
ha. Ambek Dharma Sadu.
na. Asewaka Dharma makadang sastra utama.
ca. Tan parek ring naya dusta.
ra. Tan atayub ring tarub cemarayuda.
ka. Tan manjing ring umah wong banija karma.
da. Tan Manjing ring umah wong dratikrama.
ta. Tan pati pikul - pikul (Kebayan lan Pemangku)
sa. Tan salah sulub
wa. Tan nginum asing ngawe mada.
la. Tan wenang ajejuden.
ma. Tan wenang nayub toyaning cor, yanmanyawakara teka wenang adewa saksi.
ga. Tan griganing wong a kuweh
ba. Tan keneng cuntakaning wong lian sajawaning kulawarga tunggal natah utawi pasiwannya jero Bayan miwah jero mangku Kahyangan Tiga.

Pawos 40

Swadharmaning Kebayan, Kebau lan Pemangku jero Singgukan, Pemalungan, Patengen luwire :

- ha. Ngenterang upacara piodalan ring kahyangan utawi ring sowang-sowang pekubon krama.
- na. Tan wenang salab-suiub yan mamurug wenang Kebayan, Kebau lan Pemangku inucap nyapuhin raga.
- ca. Samaliha yan sampun Kebayan, Kebau, Pemangku ngayah tigang rahina ring Pura kancit wenten kaluwarganya seda, Pemangku, Kebayan, Kebau inucap tan keneng cuntaka sakewanten Pemangku, Kebayan, Kebau tan budal selami piodalan.
- ra. Prade Pemangku, Kebayan, Kebau nilar sesana kabuktiang manut Tri Premana (Ilikita, Saksi, Bukti) indik punika patut nunasang ring sang meraga sulinggih utawi sang ngawewenang.

Pawos 41

- (1) Patias / olih-olihan Kebayan, Kebau lan Pemangku luwire :
 - ha. POlih atanding tengah.
 - na. Miwah pikolih tiosan manut pararem.

Pawos 42

Ngentosin Pemangku, Jero Kebayan, Jero Kebau, Jero Pemalungan, Jero Singgukan lan jero Petengen

- (1) Pemangku, Jero Kebayan, Jero Kebau, Jero Pemalungan, Jero Singgukan lan Jero Petengen kegentosin riantukan :
 - ha. Seda silih sinunggil lanang istri.
 - na. Yan sampun nyada sajawaning pemangku.
 - ca. Ceda angga.
 - ra. Pemangku kawusan sangkaning melaksana tan patut tur keni pamidanda manut pararem.
 - ka. Jero Bayan, Jero Bau, Jero Pemalungan, Jero Singgukan lan Jero Petengen prade melaksana tan patut sekadi seadharmaning prajuru keni pamidanda manut pararem.

Pawos 43

Kasukertan Kahyangan kadi ring sor :

- (1) Tan kalugra ngeranjing ke Pura luwire :
 - ha. Sang katiban cuntaka, minakadi sebel saking ngeraga

- na. Makta sahananing barang kasinanggeh ngeleتهin.
- ca. Sato agung sajawaning rikala mepada, miwah sarana upacara.
- ra. Mabusana tan patut kadi tata caraning ngranjing ke Pura.
- ka. Sadereng polih wak-wakan (pituduh) Prajuru/Dulu Desa

(2) Pratingkahe tan wenang ring Pura :

- ha. Masesumpah (cor) sajawaning pituduh prajuru/Dulu Desa.
- na. Makobetan, masesenengan, makolem dados asiki lanang wadon, mabacin, mawarih, nyangsang busana, menahin pusungan, mejengilan/majaljal rikala mejejahitan patut ngelung busung mecongger lidinnya.
- ca. Mungghah tedun palinggih sajawaning piduduh prajuru/Dulu Desa.

(3) Sang mamurug kecapin ring ajeng keni pamidanda lan pamaryascita manut pararem.

Pawos 44

- (1) Yan wenten jatma kerawuhan ring Pura dados kepintonin prade rumasa kasumangsayang tan wiakti jatma inucap kasisipan keni pamidanda manut pararem.
- (2) Prade Kahyangan kahanan duemanggala minekadi baya Jero Kebayan, jero kebau, jero pemangku lan prajuru sane tiyosan utawi sang manggihin patut digelis nyadokan ring prajuru/Dulu Desa mangda marumang krama Desa tur ngawentenang pemrayascita sepatutnya (manut sastra Agama/manut dresta)

Palet 2 INDIK RESI YADNYA

Pawos 45

- (1) Sang pacang madeg Pandita utawi minandita minakadi Balian sonteng, Dalang saluwirin jagi ngenterang Yadnya patut masadok ring Prajuru Desa utawi Parisada Hindu Dharma Indonesia (PHDI).
- (2) Prajuru Desa patut nyarengin nyaksinin upacara saha nyiarang paruman Desa tegep rauhing wates kawenangannya ngenterang Yadnya.
- (3) Prajuru Desa patut nureksain saha nitenin tur wenang ngalangin yan prade wenten kacihnayang sasar kakecap ring sastra Agama, miwah dresta.

Palet 3
INDIK PITRA YADNYA

Pawos 46

Pamargin Pitra Yadnya manut sekadi ring sor :

- (1) Antuk mendem makacihna pakingsan ring Ibu Pertiwi selami nutupang prebeya miwah nyantos pawatekan sasih karo.
- (2) Atiwa-iwa/upakara pengabenan/palebun kamargiang kalih warsa apisan.
- (3) Upacara Pitra Yadnya riwusan keabenang/kapalebun kelanturang antuk upacara matuun rahuing mendak nuntun.

Pawos 47

- (1) Swadharmaning lan tategenan Krama prade wenten sinalih tunggil Krama kelayu sekaran :
 - ha. Sang keduhkitan patut :
 - 1) Nyadokang ring Kelihan tur nunas tatimbang ring kawentenannya.
 - 2) Ngaturang panyaembrama manut pararem.
 - na. Swadharmaning Banjar/Desa :
 - 1) Kelihan Banjar (Kepala Dusun) maritatas sang kaduhkitan.
 - 2) Prade Kelihan Banjar sampun tatas raris kawentenang suaran kulkul petahu antuk pawos 22 (3) aksara (5,7).
 - 3) Penyanggran Banjar selanturnya :
 - ha. Sowang-sowang Krama Banjar nedunin patus ageng alit patus manut pararem.
 - na. Ngarombo ngaryanin eteh-ete sawa saha kasarengin olih Krama sane rawuh.
 - ca. Sami akrama Banjar nganter ke setra jantos pamendeman puput.
 - ca. Tan kengin ngelelet (nyekeh).
 - ra. Tan kalugra nginepang bangbang.
 - ka. Prade wenten kalayu sekar, rikala piodalan, kengin mendem tanpa sadok tur mamargi wengi, nenten kadadosang nyuarayang kulkul, gong lan sapanunggilannya.
 - da. Mendem sawa tan kalugra narug/ngajangin.
 - ta. Pamargi mendem tan nganutin padewasan malarapan antuk desa kala patra tur pamargin pamendemannya sampun surup surya.
 - sa. Seda makta manik utawi kabebeng patut embasan dumun wawu pendem.
 - wa. Indik papendeman sekadi dresta tan kalugra ngangge beton.
 - la. Atiwa-tiwa kamargiang manut padewasan tan kalugra nuju Purnama/Tilem, semut sadulur, kala gotongan rerainan jagat, ingkel wong,

rainan ring Kahyangan Tiga lan sapanunggilannya manut pararem.

- (2) Tata trepri ritatkala memargi nganterang sawa ke setra luwire :
- ha. Rikala nganter sawa ke setra saluwirin sana nututin tan dados ngelangkungin sawa sajabaning sane makta eteh-ete upakara/upacara.
 - na. Pamargi mangda trepti tur dabdab tan dados mawi-wigan utawi ngarap-apan manut ring pamutus Parisadha napi malih ngarusak wadah pamereman sawa miwah sane liyan-liyanan, ngantos ngawenang pakewuh ring sang madruwe kelayu sekar, yan ana Krama manurug sekadi kecaping ring ajeng wenang keni pemedanda manut pararem.
 - ca. Krama Banjar/Desa sane nganter sawa ke setra patut mabusana adat madya.
 - ra. Sesampune rauh ring setra tan dados matinggal sadurung wenten atur sakeng Prajuru/Dulu Desa.

Pawos 48

- (1) Sane kasinanggeh cuntaka sekadi ring sor :
- ha. Cuntaka antuk kelayu sekaran.
 - na. Cuntaka antuk ngeraja sewala.
 - ca. Cuntaka antuk ngembasan Putra.
 - ra. Cuntaka antuk karuron.
 - ka. Cuntaka antuk sakit ila/buduh.
 - da. Cuntaka antuk pawiwahan.
 - ta. Cuntaka antuk gamia gamana.
 - sa. Cuntaka antuk salah timpal.
 - wa. Cuntaka antuk anak istri mobot nenten kaupakara pabiukaonan lan pawidiwidana.
 - la. Cuntaka antuk mamitra ngalang.
 - ma. Cuntaka antuk anak istri ngembasang putra sadurung maupakara pabiukaonan tur pawidiwidana (tan malarapan pawiwahan).
 - ga. Cuntaka antuk sad atatayi.
 - ba. Cuntaka antuk majenukan.
- (2) Sengker cuntaka manut kawentenannya :
- ha. Cuntaka kelayusekaran sanistanē gementos sangkepan tilem.
 - na. Cuntaka ngeraja swala 3 rahina ngawit sakeng ngraja swala utawi selamaning ngeraja swala madulurang mabersih.
 - ca. Cuntaka ngembasang putra, 105 rahina sane istri lan putrane, 12 rahina sane lanang sakeng putra embas utawi ngantos sampun kaupakara manut sekadi Agama.
 - ra. Cuntaka karuron, cuntakannya abulan pitung rahina (42 rahina) tur sampun maprayascita.

- ka. Cuntaka pawiwahan, cuntakannya ngatos upacara pawiwahan tur upacara parebuan di Bale Agung
 - da. Cuntaka gamia gamana, cuntakannya ngantos sesampune kepalasang/masepihang tur kawentenang upakara ring sang gamia gamana lan Desa Adat miwah Kahyangan manut Agama.
 - ta. Cuntaka salah timpal kapuputang sekadi ring Agama Hindu miwah dresta/Adat ring Desa Adat Pausan.
 - sa. Cuntaka anak istri mobot sadereng upacar pawiwahan/tan maduluran pawiwahan cuntakannya nganos kawentenan upakara pabiukaonan lan parebuan.
 - wa. Cuntaka mamitra ngalang, cuntakannya ngantos kawentenan upacara pabiukaonan lan parebuan/maprayascita raga.
 - la. Ngembasan putra tan sangkaning maduluran upaka pawiwahan cuntakannya ngantos wenten sane mameras sang putra tur kawentenang upakara manut sastra Agama Hindu.
 - ma. Cuntaka Sad Atatayi, cuntakannya ngantos sampun maprayascita raga tur nenten pisan dados ngunggahan upakara padwijatian.
 - ga. Cuntaka mejenukan/madelokan ring anak seda, cuntakannya selama 3 rahina.
- (3) Sane katiban cuntaka luwire :
- ha. Antuk kelayusekaran :
 - 1) Sang sane madue kelayusekaran.
 - 2) Kawula wargannya.
 - 3) Babanjaran, penumbak lan pengapit manut pararem.
 - na. Ngeraja swala sane kacuntaka : sang sane ngeraja swala
 - ca. Ngembas putra sane kacuntaka kawula warga sane ngembasang putra lanang wiadin istri.
 - ra. Pawiwahan sane kacuntaka sang sane kaupakara lanang lan istri.
 - ka. Karuron sane kacuntaka wantah sane karuron.
 - da. Gamia gamana sane kacuntaka :
 - 1) Sang sane ngelksanayang gamia gamana kapidanda manut pararem.
 - 2) Desa adatnyane.
 - ta. Anak istri mobot tan maduluran upakara pawiwahan cuntakannya sane maraga istri (mobot).
 - sa. Mamitra ngalang sane kacuntaka sane ngelksanayang mamitra ngalang taler kapidanda manut pararem.
 - wa. Ngembas putra sadurung kawentenang upacara pawiwahan sane kacuntaka :
 - 1) Sang sane negmbas putra.
 - 2) Putra sane embas.
- (4) Tan keneng cuntaka :
- ha. Jero Kebayan, miwah pemangku Kahyangan Tiga.
 - na. Rikala piodalan risampun nunas sela.
- (5) Cuntaka kalayusekaran/kapendem :

ha. Kapendem cuntakannya :

- 1) Cuntaka/sebel Krama Banjar gumentos kawentenang sangkepan tilem ring Pura Dalem.
- 2) Kaluwargannya sajeroning pakarangan ngantos 7 rahina.
- 3) Sanak kaluwargannya sumah/apakubon ngantos 42 rahina.

na. Keaben/Kepelebonang cuntakannya :

- 1) Ngaben ngawasa sang nyambut Pitra Yadnya cuntakannya ngawit makarya sanganan ngantos sangkepan tilem ring Pura Dalem.
- 2) Sanak kaluwargannya saumah/apakubon ngantos 42 rahina.

Pawos 49

(1) Atiwa-tiwa kalaksanayang antuk :

ha. Mapuun lalang.

(2) Panumayan pengabenan wenten :

ha. Ngaben ngamasan.

(3) Dudonan pengabenan ngawit sakeng nunas ring Dalem, pralina, pangutangan, raris kalaksanayang upacara matuun, mendak nuntun manut pararem.

Pawos 50

(1) Peputusan pengabenan manut pararem.

(2) Peningune ring Krama Banjar ngawit ngayah anut abot dangan kawentenan pakaryan.

Palet 4

INDIK MANUSA YADNYA

Pawos 51

(1) Manusa yadnya inggih punika upacara/upakara dharmaning manusa ngawit sakeng patemoning kama bang kelawan kama petak ring sajeroning garba ngantos kalayusekaran riwekas.

(2) Upacara kadi ring ajeng madudonan sekadi ring sor :

ha. Magedong-gedongan duk ngerempini ibiang.

na. Sang oka medal.

ca. Kepus odel.

ra. Roras rahina (ngerorasin)

ka. Tutug kambuhan (42 rahina)

da. Nyambutin 3 (tigang) sasih

ta. Pawetuan/otonan (6 sasih)

sa. Tutug kelih/menek daha/teruna (ngeraja swala wadone, ngembakin lanangne).

- wa. Metatah / mapandes
 - la. Mawiwaha
 - ma. Mawinten.
- (3) Upacara / Upakara inucap nista, madya, utama manut sastra Agama saha catur dresta miwah Desa mawacara.
- (4) Upacara-upacara ring ajeng ngangge upasaksi sekala lan niskala.

Palet 5 INDIK BHUTA YADNYA

Pawos 52

- (1) Bhuta Yadnya inggih punika upacara-upacara byakala ring pertiwi lan Kahyangan sarwa prani saha upacara ring babhuta.
- (2) Upacara pabyakala ring sarwa prani, sarwa tumuwuh lan piranti luwire :
- ha. Ring sarwa tumuwuh lan piranti kahuripan rikala Tumpek Pengatag (Saniscara Kliwon Wuku Wariga)
 - na. Ring sarwa ingon-ingon / wewalungan rikala Tumpek Kandang (Saniscara Kliwon Wuku Uye).
 - ca. Ring sarwa lelandep rikala Tumpek Landep (Saniscara Kliwon Landep)
 - ra. Ring sarwa syandana rikala Tumpek Kuningan (Saniscara Kliwon Kuningan)
 - ka. Ring sarwa lelanguan / unia-unian (Gong) rikala Saniscara Kliwon Krulut.
 - da. Ring sarwa raringgitan rikala Tumpek Wayang (Saniscara Kliwon Wuku Wayang).
 - ta. Upacara pekala-kalan manusa widiuidiana kabawos pabyakala.
- (3) Upacara pabyakala ring pertiwi, Kahyangan lan bebhutan kawastanin mecaru.
- (4) Pacaruan inucap ring ajeng nista, madya, utama manut wiguna kadi ring sor
- ha. Eka sata.
 - na. Panca sata.
 - ca. Panca sanak.
 - ra. Resi gana.
 - ka. Tawur agung
 - da. Panca kelud
- (5) Sejawaning kadi ring ajeng kawentenang upakara :
- ha. Majotan utawi yadnya sesa nyabearan wusan ngerateng.
 - na. Mesapuh - sapuh rikala pacang wali ring Pura.
 - ca. Taler kelksanayang caru Pasasihan ngawit sakeng sasih 5, 6,7,8, lan Kesanga (9) sajawaning wenten durbiksan jagat manut pararem.

Pawos 53

- (1) Nangken, ngawarsa rikaianing Tilem Kesanga kawentenang tawur Kesanga, ketah kabawos ngerupuk macihna pacang mapag rahina panyepian benjangne.
- (2) Upacara Penyejian sane kamargiang olih krama Desa :
 - ha. Amati geni tan kengin maapi-api.
 - na. Amati karya, tan kengin nyambut karya.
 - ca. Amati lelangunan tan dados maoneng-onengan, masuara gora, lan sapanunguilannya.
 - ra. Amati lelungan tan kengin melancaran bilih-bilih ke dura Desa Adat siosan
- (3) Peberatan inucap kamargiang sakeng semeng ngan tos rahina semengan raris kasuarayang kulkul, punika cihna pangembak.
- (4) Sang mamurug kecaping ring ajeng keni pamidanda manut pararem.
- (5) Riwusan rahina Nyepi (benjangne) maka cihna pangawit isaka warsa, patut soang-soang warga Desa Adat sami masimakrama/madharmha Canthi.
- (6) Makiyis / melis manut tata cara dresta.
- (7) Rawuh sakeng makiyis / melis Ida Bhatara nyejer ring Pura Pucak Ageng Desa Adat Pausan.

PANCAMA SARGAH

SUKERTAN TATA PAWONGAN

Palet I

INDIK PAWIWAHAN

Pawos 54

- (1) Pawiwahan inggih punika patemoning purusa pradana, malarapan antuk panunggalan kayun suka cita kadulurin antuk upasaksi sekala niskala.
- (2) Pamargin pawiwahan luwire :
 - ha. Papadikan, kamanggala antuk pakrunayan.
 - na. Ngarorod, marangkat riyin wawu kakrunayang.
 - ca. Nyeburin/utawi sentana rajeg prade pawiwahan nyeburin/kaceburin, papadikan patut kamargiang antuk sang kaceburin sane istri kamanggala olih pakraman.
- (3) Pidabdab pacang mawiwaha patut :

- ha. Sampun manggeh deha teruna (prasida nganutin undang-undang sakeng sang ngawewenang)
 - na. Sangkaning pada rena (tan kapaksa)
 - ca. Nganut kecaping Agama (tan gamia gamana)
 - ra. Kasudiwidani prade pangarnbile tios Agama miwah kapatiwangi seos wangsa (upakara kamargiang ring Pura Bale Agung).
- (4) Pamarginpawiwahan mangda taler manutin undang-undang perkawinan sakeng sang ngawewenang.

Pawos 55

- (1) Pawiwahan sane kapatutang ring Desa Adat Pausan sekadi ring sor :
- ha. Sampun kamargiang pabyakala utawi parebuan saha pasaksi sekala niskala.
 - na. Wenten pesaksi Prajuru/Dulu-dulu sane mapakeling utawi ngilikitayang pawiwahane.
 - ca. Sampun matengeran suaran kulkul.
 - ra. Pawiwahan ring ajeng mangda macatetang/kailikitayang ring ngawewenang.
- (2) Perabian sane tan manut kadi ring ajeng kasinanggeh tan patut (tan sah).

Pawos 56

Tata cara perabian ring Desa Adat Pausan sane patut sekadi ring sor :

- (1) Sapa sira ugi sane pacang ngawarangi pakaluargannya patut masadok ring Prajuru/Dulu-dulu, selanturnya Prajuru/Dulu-dulu maritatasang manut tan manut kakecap parabian.
- (2) Pamargin papadikan manut dudonan :
- ha. Makruna jantos ping tiga
 - i) Kapartama antuk canang pinaka pabawos pasadok.
 - ii) Kaping kalih antuk canang pangrawos.
 - iii) Kaping tiga antuk daksina pejati kabaos pamuput pamadikan.
 - na. Risampun pragat raris sang istri kaajak budal ring pakubon sang lanang saha kalanturang antuk pabyakala/parebuan.
 - ca. Mangda pragat tumus sekala niskala, raris kaluwarga pusura makta pejati ring pamarajan wadone.
- (3) Prade ngarorod/merangkat patut :
- ha. Reraman lanange ngawewenang pamilaku/pasadok antuk duta sakirangnya 2 (kalih) diri masarana antuk suara tur tan langkungan ring arahina sajawaning ngalangkungin segara.
 - na. Genah antene tan dados ring pakubon sang lanang sadereng mabiukaonan.
- (4) Sajeroning pakrunayan/Pangelukuan patut :
- ha. Kamanggala antuk geng pangampura arep ring reraman wadone

- na. Kaiguman rawos idih pekidih utawi pelegayan arep ring pasewakan sang ngidih saha dewasa pakerab kambeannya riwekas.
- ca. Kacihnayang indik kapurusa utawi prade sentana rajeg kajejeran kapatut ngidih anak lanang sane kabawos pawiwahan nyeburin tur risampun sulur paperasan kategepin kamanggehan sentana nyeburin.
- ra. Prade tan terima pejati, pakurennya kamargiang jantos ping tiga, tur kasukserahang ring sang ngawewenang.
- (5) Pakerbkambeyan mapiteges upacara tindas apadang (puput) mapikuren duwaning manut sekadi ring sor :
- ha. Sajeroning kabawos ambe, kelaksanayang ring sekala lan niskala masarana jajauman miwah pawidiwidanan.
- 1) Jajauman pinaka ngamba/ngadungan kayun sowang-sowang pakaluwarga wadone.
 - 2) Widiwidana pinaka pejati niskala nunas wadone ring pemerajan kamulannya.
- na. Sajeroning bawos kerabkambe ring sekala
- 1) Antuk pesaksi krama Banjar, duaning kekerabian kecihnayang antuk tengeran suaran kulkul.
 - 2) Pamekas pesaksi prajuru/Dulu-dulu saha ngilikitayang.
- (6) Yaning wenten jatma istri deha mobot patut digelis masadok ring prajuru tur prajuru mastikayang kabobotannya, saha sang sane mobotin patut ngangkenin prade tan ngangkenin katur ring sang ngawewenang.
- (7) Prade tan wenten ngangkenin bobotan sang mobot kaluwarganya patut keni pamrayascita ring desa Adat lan keni pamidanda manut pararem tur rarene kaupacarain manut sastra Agama.

Palet 2 INDIK NYAPIHAN

Pawos 57

- (1) Pawiwahan kabawos usan malarapan antuk palas marabian utawi kepademan.
- (2) Wusan mapikurenan riantukan salah sinunggil sèda mapiteges balu, minakadi balu lanang/istri.
- (3) Palas maparabian wenten kalih pawos inggih punika sangkaning pada lila cita miwah mawiwit wicara.
- (4) Sang ayat palas marabian patut atur upeksa pailikitan riin ring sang rumawos mawastu kabawos nyapihan, wawu dulun Desa nyobyahang kawentenannya ring Desa Adat saha keni panebus suaran kulkul manut pararem.

Pawos 58

Tata cara palas marabian sangkaning pada lila sekadi ring sor :

- ha. Paguna kayan polih pahan pada/patuh.
- na. Pabekel tadtadan sowang-sowang kakuasa niri-niri miwah warisan kakuasa antuk purusa.
- ca. Ngaweruhin miwah ngupajiwa pratisentana manut swadarmaning guru rupaka (sang kapurusa)
- ra. Nawur pamidanda panebus suaran kulkul manut pararem
- ka. Ngelung jinah logika para juru.
- da. Mapamit ring mrajan lanang.

Pawos 59

Prade riwekas sang palas kacihnayang adung malih patut ngelaksanayang pawiwahan dresta.

Pawos 60

- (1) Sang balu kabinayang dados :
 - ha. Balu luh wit sentana (sentana rajeg) miwah balu luh boya sentana.
 - na. Balu muani kapurusan (wit sentana) miwah balu muani nyeburin (boya sentana).
- (2) Balu luh sane ketinggalin lampus olih suaminya utawi balu sanepecak nyeburin patut ngamargiang swadarmaning kadi ring sor :
 - ha. Ngamanggehang kapatiberatan, tan kengin ngemargiang paradara (dratikrama)
 - na. Ngeraksa lan miara sahanan warisan kalih sentanannya.
 - ca. Tan kengin ngadol utawi makidihang warisan sadurung polih panguak sakeng sentanannya utawi kaluwarga sakeng purusa prade pianaknya kantun alit-alit.
 - ra. Kengin ngidih sentana yan sampun mapidabdab sareng warisnya pecak tur polih panguak kaluwarga sang purusa.
 - ka. Kawenangan malih mawiwaha yan sampun mapaigum antuk warisnya sane sampun tutug yusa sakeng kaluwarga purusa.

Pawos 61

- (1) Balu kaucap tan pageh sekadi ring sor :
 - ha. Dratikrama utawi matingkah semara dudu.
 - na. Matilar tan pasadok langkungan ring enem sasih.
 - ca. Lempas ring swadharmaning sios-siosan, tan prasida Ngesehan solah malrewerti arep ring pituduh sane patut sakeng kaluarga purusa.

- (2) Balu sane tan pageh ring swadarma kadi inucap ring ajeng prade kacihna wenang katundung olih warga purusa saha tan polih pah-pahan.
- (3) Yaning balu tanpa sentana, pageh ring swadarma balu kaluwarga patut ngayomin sang balu inucap.

Palet 3 INDIK SENTANA

Pawos 62

- (1) Sentana wenten kalih pawos, sane kaucap pretisentana miwah sentana paprasan.
- (2) Pretisentana inggih punika sentana sane metu saketig pawiwahan sane patut,
- (3) Prade pawiwahanne nenten patut ngewetuang sentana mangda tan kantun kawastananin babinjat utawi astra patut kamanggala antuk penyanggaskara manut dresta.
- (4) Prade pawiwahan tan ngemetuang sentana kengin ngidih sentana antuk upasaksi sekala niskala sane kawastananin sentana paperasan.
- (5) Sentana rajeg inggih punika, pretisentana wadon (predana) sane kamanggehan lanang (purusa) tur risampun ngelaksanayang pawiwahan kaceburin.
- (6) Sang sane dados kemanggehang sentana rajeg inggih punika :
 - ha. Pretisentana wadon tunggal
 - na. Sampun kemanggehan dados pretisentana lanang (purusa)
 - ca. Wiwaha keceburin kautamayang ring jatma sane maagama Hindu utawi jatma sane maagama siosan sane sampun ngelaksanayang upacara pamarisuda raga miwah sudiwedaning.
 - ra. Sane kemanggehang sentana rajeg patut mapisadok ring iprejuru banjar tur I Kelian Banjar patut nyobiahan ring Banjar saha ngaturang ring Prajuru Desa Adat.

Pawos 63

- (1) Ngangkat sentana patut kacihnayang antuk sarana pamasane kesaksiang sekala niskala.
- (2) Sapesira ugi krama Desa pacang ngidih sentana patut masadok ring bendesa.
- (3) Bendesa kawakilin olih Kelian Banjar nyobiahan ring Prajuru masenger 3 (tigang) sasih sadereng paperasan kemargiang.
- (4) Prajuru / Dulu Desa digelis mawosin saha ngicenin pangutus napak ring catur Dresta miwah pararem.

Pawos 64

- (i) Paperasan sane kapatutang ring Desa Adat Pausan risampun makecihna :
- ha. Widiwidana paperasan
 - na. Kesaksinin olih Dulu Desa sane makelingan utawi ngilikitayang
 - ca. Kasiarang ring wewidangan Desane.
 - ra. Wenten ilikitanya sakeng sang ngawawenang.
- (2) Sane patut peras anggen sentana kadi ring sor :
- ha. Jatma sane maagama Hindu
 - na. Mawit sakeng kapernahan
 - ca. Kulawarga sakeng kapurusa.
 - ra. Yening prade tan wenten kulawarga sakeng kapurusa kengin sakeng kulawarga wadon, yening sakeng wadon nenten wenten, kengin manut sasudian sang pacang meras.
 - ka. Meras sentana kengin langkungan ring adiri lanang utawi wadon.
 - da. Kautamayang sakeng garis pancer kapurusa.
 - ta. Sinalih tunggil mawiwit sakeng kulawarga tunggal sanggah utawi anak sewos sakewanten sane maagama Hindu.
- (3) Swadharmaning sang meras sentana pateh ring swadharmaning guru rupaka luwir ipun :
- ha. Maweh pangupa jiwa.
 - na. Ngupakara manut Agama
 - ca. Maweh ngutsahayang kaweruhan sentana.
- (4) Sang kaadegang sentana swadharmannya patut swadharmaning putr sesana.

Palet 4 INDIK WARISAN

Pawos 65

- (1) Warisan inggih punika tatamian artha brana saha ayah-ayahan ngupadi kasukertaan sekala niskala sakeng leluhurnya arep ring turunannya/pretisentananya.
- (2) Kang sinanggeh warisan luwire :
- ha. Duwe tengah minakadi tegal, ayahan desa, kahyangan, pusaka siwa krana lan sapanunggilannya.
 - na. Pamerajan/sanggah kamulan
 - ca. Panukayan, tadtadan/jiwa dana, utang piutang.
 - ra. Lan sapanunggilan ipun.

- (3) Wawu kengin kabawos warisan prade wenten :
- ha. Sang mapiturun (Pawaris)
 - na. Katurunan (ahli waris)
 - ca. Artha brana miwah tategenan makacihna warisan

Pawos 66

- (1) Ahli waris luwire :
- ha. Pratisentana purusa.
 - na. Pratisentana predana/sentana rajeg.
 - ca. Sentana paperasan lanang/wadon.
- (2) Prade tan wenten sekadi ring ajeng kang sinanggeh ahli waris luwire :
- ha. Turunan purusa kapernah/Ngunggahang, rerama lanang, pekak selanturipun rerama misan mindon.
 - na. Turunan purusa pernah kesamping minakadi kaponakan misan mindon sameton, kaponakan di misan miwah di mindon.

Pawos 67

Swadharmaning ahli waris patut :

- ha. Nerima saha nguwasayang tetamian, pahan sakeng leluhurnya, makadi ngempon sanggah, pura saha pangupakarannya miwah nyeledihin ayah-ayahan pawaris.
- na. Ngelaksanayang sehanan pitra yadnya marep ring pawarisnya.
- ca. Nawurin utang-utang pewaris sane manut pangeloika.

Pawos 68

Pangepahan waris manut sekadi ring sor :

- (1) Risampun kalaksanayang Pitra Yadnya lan utang-piutang pewaris tuntas katawur.
- (2) Para ahli waris polih pahan pada sangkaning kagunakayan sajabaning karang utawi tegal ayahan desa kaamong olih ahli waris kasinanggeh krama ngarep.
- (3) Sinalih tunggil/ahli waris kengin tan polih pahan prade :
 - ha. Nilar kawitan lan sasaning Agama.
 - na. Alpaka guru rupaka
 - ca. Sentana rajeg kesah mawiwaha utawi pratisentana nyeburin sowang-sowang kabawos nilar kadaton

- (4) Boya ahli waris dados muponin hasil anut dudonan luwire :
- ha. Sentana luh, selami dereng kesah mawiwaha utawi alpaka guru miwah prade madrebe pianak tan kaangkenin olih wong tua rare inucap dados ngawarisin wantah pikolih (kagunakaya) sentana luh inucap kemawon.
 - na. Balu luh wiadin muani nyeburin (sowang-sowang boya sentana).
 - ca. Mulih deha utawi teruna, riantukan ring pawiwahannya dumun sampun kabawos ninggal kedaton.
- (5) Pewaris kangin maweweh rikala maurip pinaka jiwa dana, tadtadan/bekel makacihna paweweh ring okane sane kesah mawiwaha.

Pawos 69

- (1) Prade sajeroning pakulawargan wenten ahli waris langkungan adiri patut :
- ha. Kawentenan kaigun indik pedum waris inucap.
 - na. Yan tan prasida, katunasang tatimbang ring Dulu-Dulu (Kerta Desa)
 - ca. Prade taler tan wenten cumpu ring panebas kerta Desa Kengin katunasang ring sang rumawos (ngawewenang).
- (2) Prade karang inucap kaputungan patut Prajuru / Dulu-dulu niwakang karang punika ring :
- ha. Sang sinanggeh ahli waris manut pawos 66 (2).
 - na. sang kengin anggen sentana manut pawos 64 (2)
 - ca. Yening prade tan wenten kadi inucap ring ajeng, daging punika ngeranjing ke Desa.
- (3) Karang ayahan Desa tan kapatutang kaepah/kasapih.

SAD SARGAH WICARA LAN PAMIDANDA

Palet 1 INDIK WICARA

Pawos 70

- (1) Sang wenang mawosin minakadi mutusang wicara ring Desa Adat Pausan inggih punika Prajuru / Dulun Desa kasinanggeh Kerta Desa.
- (2) Tata dudonan mawosin saha muputang wicara warga desa kadi ring sor :
 - ha. Kaping ajeng ring kabaosang olih kelihan Banjar (Kepala dusun).
 - na. Tan cumpu ring penepas Kelihan Banjar, karerehang pamutus ring paruman banjar.
 - ca. Prade tan cumpu ring pamutus banjar katembusan ring Bendesa Adat lan kerta desa
 - ra. Taler tan wenten Cumpu ring pamutus desa lan kerta desa katunasang ring paruman desa adat.
- (3) Prade sang mawicara tan wenten Cumpu ring pamutus paruman desa lan kerta desa, kengin nunasang wicara inucap ring sang rumawos (sang ngawewenang)

Pawos 71

- (1) Sahanain wicara mawiwit kacorahan saha luwire senanggeh nungkasing daging awig-awig, pasuaran miwah pararem Desa Prajuru/Dulu patut digelis mawosin tan nyantos pasadok.
- (2) Sajaba wicara kadi ring ajeng patut nyantosin pasadok sang nunas bawos.
- (3) Panepas patut pastika nyantenang iwang patut malarapan antuk Tri Pramana (Ilikita, Saksi, Bukti), miwah tan maren nepek ring catur Dresta.

Palet 2 INDIK PAMIDANDA

Pawos 72

- (1) Desa/Banjar wenang niwakang pamidanda ring warga Desa sane sisip.
- (2) Paniwak inucap kalaksanayang olih Bendesa Adat/Prajuru Desa.
- (3) Bacakan pamidanda, luire :
 - ha. Ayahan panukun kasisipan.
 - na. Danda arta
 - ca. Kanorayang
 - ra. Panyangaskara.

- (4) Pamidanda kaliwakang patut masor singgih manut ring kasisipan.
- (5) Jinah utawi raja brana pamidanda ngeranjing dados druwen Desa.

Pawos 73

- (1) Krama sane langkungan ring tigang paruman ngalantur tan nawur urunan miwah dadandan wenang karampag manut pararem.
- (2) Rerampagan ngangge tata cara kadi ring sor :
 - ha. Kalaksanayang olih Prajuru kasarengin olih Krama sekirangne tigang diri maka saksi.
 - na. Sang ngarampag sangkaning darsana ngambil barang utawi nyawenin pamem tuwuh, akehnya manut ring utang Sang karampag, sang karampag mangda lila nyukserahang barangnya sane dados wala.
 - ca. Prajuru/dulu meteketang mangda barang-barang sane karampag digelis katebus, masengker awuku (7 rahina) ring kutus rahinane pacang kaadol.
 - ra. Tan nganining saluwir barang sane patut inggilang manut Agama miwah tan mademang pangupa jiwa sang karampag.

Pawos 74

- (1) Prade sang pacang karampag ngawara (ngalangin) palaksanan inucap maewasta sampun tan nganutin awig-awig Desa wenang karang Desa sane kagenahin kadaut olih Desane.
- (2) Samaliha yen purun taler ngalangin pelaksana kadi ring ajeng tan wenten pamargi sawawaning kasepekang olih Krama Desane.
- (3) Pamidanda inucap ring ajeng keni buntas risampun sang kakeninin :
 - ha. Nunas geng pangapura ring krama Desa riantukan nguak pasubaya (pararem) pecak.
 - na. Nawur pangargan panguak pasubayane duk pacang karampag kadulurin pamrayascita panyasap kaiwangane ring Desa.

SAPTAMA SARGAH NGUWAH-NGUWAH AWIG-AWIG

Pawos 75

- (1) Nguwah-nguwahin awig-awig Desa puniki kelaksanayang antu paruman Desa.
- (2) Awig-awig puniki kamargiang mawit kaingkupin (kararemin).

- (1) Saluwirin sane wenten saderengnya palut kaanutang ring sedaging awig-awig puniki.
- (2) sakaluwiring sane durung kabawos sajeroning awig-awig puniki patut kelaksanayang manut tala cara sane sampun mamargi anluk pararem-pararem.

ASTAMA SARGAH SAMAPTA


Pawos 77

- (1) Awig-awig puniki kawastanin Awig-Awig Desa Adat Pausan
- (2) **Awig-awig puniki kararemin duk rahina Bhuda Kliwon wara Gumbreg Sasih kapat isaka warsa 1924 pawilangan masehi 16 Oktober 2002 ring wantilan Desa Pakraman Pausan.**
- (3) Awig-awig puniki kalinggatanganin olih Bendesa kasaksinin olih Kelihan Banjar Dinas miwah Perbekel sawidangan Desa pinaka saksi.
- (4) Luwir sang ngalinggatanganin :

- a. Kaberta ma Prajuru/Dulu Desa
Bendesa Adat Pausan




2. Kelihan Banjar Pausan




(Drs. I Wayan Wirtama)

- b. Maka ping kalih Prajuru Dinas maka saksi :

1. Kelihan Dinas banjar Pausan



(Drs. I Wayan Wirtama)



(I Made Suarjaya)

- c. Kacumponn olih
Dinas Payangan,



(Drs. I Made Satri Sudarmaputra)

Mengetahui dan telah dicatatkan

Pada tanggal : 14 Oktober 2000
Nomor : 24 Tahun 2000



TJOKORDA GDE BUDI SURYAWAN,SH.